

ԿԻՇ



ԻՍՏՄ ԺՈՂՈՎՈՒՐԴՆԵՐԻ ԿԵՆՏՐՈՆԱԿԱՆ ՇՐԱՏԱՐԱԿԶ., ՄՈՍԿՎԱ, 1930

8215

276

Արմ

ՋԵԿ ԼՈՆԴՈՆ

№ 2011

4-493 ա

4-493 ա

Կ Ի Ճ Ը


Г.П.Б-ка обяз. экз.
Лнгр. 1930 г.
Акт № 4.611



Ռուս. փոխադրեց՝ Բ. Մար.



39681-67




Շատ ու շատ տարիներ սրանից առաջ Հյուսիսային սառուցյալ ովկիանոսի ափին ապրում էր Կիշը: Նա իր գյուղի առաջնորդն էր. մի շարք յերջանիկ տարիներ ապրեց ու մեռավ՝ իր ժողովրդից շատ հարգված ու մեծարված:

Միայն ծերերն են հիշում նախնիքներից ու պապերից ավանդ մնացած այս գրույցը, վոր իրենց նախահայրերից ու պապերից են լսել: Ու այս գրույցը նրանք իրենց հերթին կպատմեն իրենց յերեխաներին ու թոռներին:

Յերբ սկսվում են ձմրան գիշերները, սառցե լեռներում ձյունախառն հողմն է բարձրանում և ողբ լցնում սպիտակ մաքուր ձյունով, սկսվում է գրույցների ժամանակը Կիշի մասին, թե ինչպես նա դարձավ գյուղի առաջին մարդը, գերագանցելով բոլորին իր խելքով ու իր քաջությամբ:

Նա մի հիանալի յերեխա յեր, — այդպես է ասում ավանդությունը, — ուժեղ, առողջ և արդեն տեսել էր տասնյերեք արև, վորովհետև յուրաքանչյուր տարի ձմեռային արևը յերկիրը մեկ պատում է խավարի մեջ և մեկ նորից վերագառնում, վորպեսզի մարդիկ կարողանան տաքանալ նրա ձագագայթներով, կարողանան մեկ մեկու յերես տեսնել: Կիշի հայրը քաջ վորսորդ էր: Նա մեռավ մի սով տարի բևեռային մի վիթխարի արջի հետ կռվելիս, փրկելով իր ժողովրդի կյանքը: Բորբոքվելով նա այնքան մոտեցավ արջին, վոր արջը ջարդեց նրա կողերը: Միացած ուժով արջին սպանեցին և ժողովրդին սովից փրկեցին:



Կիշը նրա միակ վորդին եր և հոր մահից հետո մնաց մենակ իր մոր հետ միասին: Բայց մարդիկ միշտ հակված են ամեն բան շատ շուտ մոռանալու. մոռացան և Կիշի հոր քաջագործությունները: Բայց քանի վոր Կիշը յերեխա յեր դեռ, իսկ նրա մայրն անպաշտպան մի կին, շուտով մոռացան նրանց, ու նրանք սկսեցին ապրել շատ վատ վիճակում:

Մի յերեկո, խորհրդում, գյուղի առաջնորդ Կլոշ-Կվանի մեծ այրում Կիշը ցույց տվեց իր տաքարյունությունը, իր հոգու ամբողջ կորովը: Տեղից վեր կենալով, հասակավոր մարդու նման, սպասեց, և յերբ բոլոր ձայները լռեցին՝ ասաց.

— Սյո, այդ ճիշտ ե, մեզ տալիս են միս, բայց ինչպիսին... հին, կոշտ, վոսկրոտ:

Յեվ սպիտակահեր ծերունիների և վիթխարի, ուժեղ յերիտասարդ վորսորդների բերանները բաց մնացին: Յերբեք նրանք չեյին լսել, վոր յերեխան խոսեր հասակավոր մարդու նման և համարձակ՝ յերեսներին շարտեր այդպիսի խոսքեր:

Բայց Կիշը խիստ համառ կերպով շարունակեց.

— Յես գիտեմ, վոր իմ հայր Բոկը նշանավոր վորսորդ եր, ահա թե ինչու յեմ ասում այդ խոսքերը: Ասում են, վոր նա վորսորդությունից բերում եր առատ միս ավելի քան յերկու՝ ճարպիկ վորսորդ կբերեյին և ինքն ել բաժանում եր այդ, հոգալով այն մասին, վոր բոլորը լինեն կուշտ՝ սկսած մեծից մինչև փոքրը:

— Դե, դե, — բղավեցին բոլորը. — դուրս տարեք այդ տղային, պառկեցրեք թող քնի: Նա դեռ այնքան չի մեծացել, վոր իրավունք ունենա այդպես խոսելու ծերերի և հասակավորների հետ:

Կիշը հանգիստ սպասեց մինչև աղմուկը դադարի:

— Քեզ, Ուգ-Գլուկ, կին ունես, — ասաց նա, — և դու խոսում ես նրանց տեղ, իսկ քեզ, Մուսսուկ, կին և մայր, — և դու խոսում ես նրանց տեղ: Իմ մայրը վոչ վոք չունի բացի ինձնից, ուստի և խոսում եմ յես: Իմ հայր Բոկը իր կյանքը գոհեց իր ժողովրդի համար, ուստի և արդարացի յե վոր յես, նրա վորդին և Իկեեզան՝ նրա կինը — լինենք կուշտ, յերբ գյուղում կա միս: Յես, Կիշա, Բոկի վորդին, ահա այս ուզեցի ասել:



Նա նստեց, լսելով ի պատասխան իր ասածներին՝ արհամարհանք, աղմուկ և աղաղակ:

— Վորտեղ ե այդ լաված, վոր յերեխաները խոսեն խորհրդում, — շնչաց ծեր Ուգ-Գլուկը:

— Եդ վոնց ե, ծծի յերեխեքը մեզ՝ տղամարդկանց խելք են սովորեցնում, — բարձր բղավեց Մուսսուկը: — Ել ինչ տղամարդ եմ, վոր թույլ տամ մսի համար լացող տղին ծիծաղելու ինձ վրա:


Ցասու մն իր գազաթնակետին հասավ: Տղամարդիկ հրամայեցին Կիշին, վոր գնա քնի, ուրիշները սպառնացին նրան բոլորովին զրկել մսից և ծեծել նրան՝ հանդուգն խոսքերի համար: Կիշի աչքերը փայլեցին, դեմքը մռայլվեց՝ լցվեց արյունով: Վեճի ամենատաք ժամանակը վեր թռավ ու վոտքի կանգնեց:

— Լսեցեք հեյ տղամարդիկ, — գոչեց նա, — այլևս դուք ինձնից խորհրդում վոչ մի խոսք չեք լսի, մինչև դուք ինքներդ կգաք ինձ մոտ և կասեք — «Կիշ, արի և խոսիք. այդ լավ ե և այդպես ե մեր կամքը»: Ահա իմ վերջին խոսքը: Բոկն, իմ հայրը, քաջարի ու մեծ վորսորդ եր: Յեվ յես, նրա վորդին, ինքս կգնամ վորսի միս կճարեմ: Յեվ այսուհետև թող հայտնի լինի ձեզ, վոր միսը արդարացի յեմ բաժանելու: Վոչ մի այրի, վոչ մի տկար լացչի լինի միս խնդրելով այն ժամանակ, յերբ ուժեղները շատակեությունից տանջվում են: Յես վերջացրի:

Հեզնանք, արհամարհական ծաղր ու ծիծաղ լավեց նրա յետևից, բայց Կիշը պինդ սղմեց ատամները և դուրս յեկավ մեծ խրճիթից, առանց նույնիսկ յես նայելու:

Հաջորդ որը նա դուրս գնաց ծովի ափով հենց այն տեղով, ուր ցամաքից հետո սկսվում եյին սառույցները: Տեսան, վոր նա ձեռքին ուներ նետ և աղեղ, սլաքների վոսկրյա ծայրեր և ուսին՝ հոր մեծ նիզակը: Յեվ այս առթիվ շատ խոսեցին, կատակեցին: Դեռ այդպիսի դեպք չեր յեղել, վոր նման ծծկերները գնան վորսի ու մեն-մե-նակ: Վորսորդները որորեցին գլուխները, ինչ վոր մի բան գուշակելով, շնչացին, կանայք խղճահար նայեցին Իկեեզին, վորի դեմքը թե հպարտ եր և թե տխուր:

— Նա շատ շուտով յես կդառնա, միթիթարում եյին նրան:



— Թող մի փորձի — ասում էյին վորսորդները, — դա լավ խրատ կլինի նրան: Նա շատ շուտով յետ կդառնա՝ խելքը գլուխը հավաքած, ջրից խաղաղ, խոտից խոնարհ:

Անցավ մեկ որ թե յերկու որ: Յերրորդ որը փչեց սաստիկ հողմ ու բորան, իսկ Կիշը դեռ չէր յերևում: Իկեեզան փետում եր գլխի մագերը, իսկ յերեսին մուր եր քսել՝ սուգի նշան: Մյուս կանայք հարձակվեցին իրենց սողամարդկանց վրա նախատինքով, վոր նրանք են պատճառ դարձել, յերեխային մահվան մատներ: Տղամարդիկն էլ լուռ էյին, սպասելով վոր դադարի հողմն ու բորանը, իրենք գնան վորոնելու մեռած Կիշին:


Բայց չորրորդ որն, առավոտյան, Կիշը մտավ իրենց գյուղը: Վերադարձավ առուք-փառուք, սպանած սպիտակ արջի մսի խոշոր մասերն իր շալակին: Յեվ նրա քայլվածքը՝ խրոխտ, խոսքերը հպարտ, խրոխտ:

— Շներին շուտ ժողովեցեք, առեք սահնակ և գնացեք իմ յետ յեկած ճանապարհով որ ու գիշեր, — ասաց Կիշը. — այնտեղ, սառույցների վրա շատ շատ միս կա — մի հատ մեծ արջ և յերկու հատ արջի ձագեր: Իկեեզան, ուրախացած՝ ինքն իրեն մոռացել եր: Կիշը, մեծի նման՝ հաց սուր, ասաց, ինձ ուտելու, Իկեեզա, յես հագնած եմ: Թող ինձ, մի քիչ պառկեմ, քնեմ:

Յեվ նա գնաց մտավ «իզլոն»*, մի կուշտ կերավ, քսան ժամով քնի ընկավ:

Ժողովրդի մեջ մեծ կասկած, խոսակցություն ու վեճ ծագեց բեռնային սպիտակ արջի վտանգավոր վորսի մասին, յերեք անգամ վտանգալից՝ ձագեր հանած եզի վորսի մասին: Վորսորդները կասկածեցին Կիշի ուղիղ ասածներին: Ո՛ւր յերեխա, ուր արջավորս, այդպիսի հրաշք չի կատարված: Բայց կանայք, միսը ցույց տալով, գովում էյին քաջ վորսորդին: Կարելի՞ յեր չհավատալ: Վերջ ի վերջո վորսորդները ճամփա ընկան, փնթփնթալով՝ «յեթե նույնիսկ նա իսկապես արջ է սպանել, նա չէր գցել բախտի կամքին, այլ կես կաներ միջից կարգին»: (Հյուսիսում սպանված արջի դիակը անմիջապես պետք է մաշկել, կտրատել, մաքրել, հակառակ դեպքում

* Եսկիմոսների տնակը:



միսը սառչում է և այնքան կարծրանում, վոր ամենասուր դանակն անգամ անզոր կլինի կտրտել, իսկ քաշ տալ անհարթ սառույցներով յերեք հարյուր կիլո քաշ ունեցող սառած միսը բոլորովին անհնար է):

Տեղ հասնելով՝ նրանք գտան սպանված արջեր՝ փորոտիքները դուրս հանած, մարմիններն էլ չորս մաս արած և այդ բանն ապացույց եր, վոր գործին տեղյակ մարդու ձեռքն եր արել այդ բոլորը:

Յեվ այդպես սկսվեց Կիշի գաղտնիքը, վոր որեցոր տարածվում եր ու տարածվում... Նա մի ուրիշ անգամ սպանեց մի գազան և հետո մի վիթխարի կատաղած արջ, մի եզ արջ: Սովորաբար նա վորսի գնալուց անհետանում եր յերեք կամ չորս որ. բայց պա-



տահում եր և ամբողջ շաբաթ նա անց եր կացնում վորոնումների մեջ, թափառելով ձյունածածկ դաշտերում: Նա չէր ուզում ուղեկիցներ վտանգալից արշավանքին: Ժողովուրդը զարմանում եր Կիշի վրա, նրա անվախ կերպարանքին:

— Վմնց է նրան այդ աջողվում, ասում էյին վորսորդները: — Նա հետն յերբեք շուն չի տանում, իսկ առանց շան հնարավոր չէ վորս անելը:

— Ինչո՞ւ միայն արջ ես վորսում, — դիմեց Կիշին Կլոշ-Կվանը:

Յեվ Կիշն անվախ, տեղն ու տեղը տվեց հարմար պատասխանը:

— Նրա համար, վոր արջը շատ մսալի յե:

Գյուղի մեծերն սկսեցին խոսել Կիշի կախարդական ուժի մասին:

— Վորսի ժամին նրան ոգնում են չար դևերը, — պնդում էին մի քանիսը. — դրա համար նրա վորսը շատ հաջող է: Ապա ուրիշ կերպ ինչպես կարող եր նա հաջող լինել:

Գուցե վոչ թե չար դևերն են, այլ բարի վոգիներն են, — ասում էին մյուսները: — Հայտնի չէ, վոր նրա հայրը նրան մանկությունից սովորեցրել է վորսորդության բարդ արհեստը: — Գուցե Բոկը՝ նրա հայրն է վորսի գնում, վարժեցնում վորսորդական տոկունության:

Բայց բախտն ելի առաջվա պես նպաստում եր անվախ կիշին. իսկ շատ հաջող վորս անողներն ոգնում էին վորսած մսի փոխադրության (նրանց՝ անելու բան քիչ եր մնում): Հետևելով իր անմահ հոր ուղինակին, կիշը միսը բաժանում եր խղճատանքով. նա այդ բանում շատ արդար էր: Ամենքն ել կուշտ էին մնում — բոլորը՝ առանց բացառության: կիշը իր համար վերցնում եր այնքան, ինչքան հարկավոր եր: Ահա թե ինչու նրան ամենքն ել սիրում ու մեծ հարգանքով էին վերաբերվում: Խոսում էին, վոր ծերացած կուշ-կվանի մահից յետո նա կընտրվի նոր առաջնորդ: Սպասում էին վոր նա խորհուրդ գա ու նորից իրենց շարքին նստի, բայց նա չեր գալիս ու չեր նստում խորհրդի. կիշին խնդրել ամաչեցին. կիշին խորհուրդ չկանչեցին:

— Յես մտադիր եմ ինձ համար մի տուն շինել, — ասաց կիշը կուշ-կվանին և իր ընկեր վորսորդներին: Նա կլինի մի մեծ «իզլո», վորտեղ յես և Իկեեգան կապրենք հանգիստ ու անվրդով:

— Շատ լավ, շատ լավ, — հանդիսավոր հաստատեցին կիշի միտքը:

— Բայց յես դրա համար ժամանակ չունեմ. վորսորդությունն է իմ գործը: Թո՛ղ ժողովուրդը իմ բերած վորսի մսով անունդ առնի և ինձ համար մի տուն շինի:

Յեվ շինեցին կիշի համար մի մեծ «իզլո», վորն իր տեսքով ու մեծությամբ գերազանցեց կուշ-կվանի շինած այրին: կիշն և իր մայր Իկեեգան բնակեցին այդ այրի մեջ: Այդ որվանից կիշն ու իր մայրն, իրենց յերջանիկ զգացին: Յեվ շատ գոհ մնաց Իկեեգան այն վիճակից, վոր իր վորդին գյուղի միջին ընդհանուր


հարգանքի արժանացավ: կիշն այդպիսով գյուղի առաջին և խելոք մարդը դարձավ: Ամենքը գնում էին այցելության ու խորհրդի, տղամարդկանց հետ վիճելիս՝ դիմում էին նրա խելոք և ոգտակար խորհուրդներին:

Բայց ամենից գլխավորը, վոր զբաղեցնում եր ամենքին, դա — կիշի զարմանալի վորսորդական խոր գաղտնիքն եր: Ու մի անգամ, Ուգ-Գլուկը խոսք բաց արեց ու յերեսին այս մեղադրանքը շարժեց — քեզ ոգնում են չար վոգիներն, — ասաց կիշին Ուգ-Գլուկը, դրա համար ել քո վորսը միշտ հաջող է վերջանում:

— Մի՞թե վորսիս միսն անհամ է, — պատասխանեց նրան կիշը: — Ասա, ո՞վ է հիվանդացել իմ բերած վորսի մսից: Ո՞վ է քեզ ասել, վոր այստեղ կախարդություն կա: Կամ՝ գուցե դու յես կուրորեն հնարում սրտիդ միջի չար նախանձից: Յեվ Ուգ-Գլուկը հեռացավ շատ շփոթված, ամոթահար, և կանայք ծիծաղեցին նրա վրա: Բայց մի գիշեր, խորհրդի մեջ, յերկար բարակ վեճից հետո, վորոշեցին, վոր կուղարկեն յերկու վորսորդ կիշի յետքից վորսորդության մեծ գաղտնիքն իմանալու: Յեվ յերբ կիշը վորսի յելավ, յերկու ջանել լավ վորսորդներ՝ Բիմն ու Բաուն, գաղտնի կերպով յետքից գնացին: Հինգ որ անցած, նրանք դարձան: Դարձան՝ աչքերը լայն բացած և անհամբեր սպասում էին վոր իրենց տեսածը պատմեն ժողովրդին: Շտապ խորհուրդ հրավիրեցին կուշ-կվանի մեծ խրճիթում, և սկսեց Բիմը պատմել:

— Յեղբայրներ, ինչպես վոր մեզ հրամայված եր, մենք գնացինք կիշի յետքով, նրանից թաքուն ու աննկատ: Առաջին որվա կես ճամբին նա հանդիպեց մի մեծ արջի:

— Մի աժդահա արջ, — հաստատեց վորսկան Բաունը և սկսեց ինքը պատմել. — Բայց արջը չեր ուզում կովել — նա իսկույն յետ դարձավ մրթմրթալով, անցավ գնաց սառույցներով: Մենք այդ տեսանք ովկիանի ժայռոտ ափից: Արջը գալիս եր դեպի մեզ, իսկ անվախ կիշը՝ յետևից. նա չեր վախենում մեծ արջից: Արջի յետքից հայնոյում եր, ձեռներն ուժով թափահարում ու աղմկում: Արջը սկսեց բարկանալ, կանգնեց յետին վտառերի վրա ու անեղ մոնչաց: Բայց անվեհեր վորսորդ կիշը գնում եր հենց արջի վրա:



— Հահ, հահ, նորից խոսքը խլեց Բառնից Բիմը, — գնաց ուղիղ դեպի արջը, արջն ել վագեց Կիշի վրա: Կիշը փախավ, բայց փախչելիս նա մի գնդիկ գցեց արջին, մի շատ համեղ կլոր գնդիկ: Արջը կանգնեց, քիչ հոտոտեց և գցած գունդը կուլ տվեց: Իսկ Կիշը առաջ եր վագում ու շարունակ գետին քցում իր գնդիկներից: Յեվ արջը հենց կուլ եր տալիս գնդիկները:

Լավեցին բացականչություններ և թերահավատության ձայներ: Իսկ Ուգ-Գլուկը կասկածեց պատմածի ճշտությանը:


— Մենք տեսանք այդ մեր սեփական իսկ աչքերով, — ասաց Բիմը:

Յեվ Բառնը այդ հաստատեց:

— Այո, տեսանք մեր սեփական իսկ աչքերով:

— Յեվ այս բանը շարունակվեց մինչև վոր արջը «ծառս ելավ» ցավից վոռնաց ու թաթերով թափահարեց: Կիշը շարունակ վագում եր սառույցներով՝ աչքերը արջին բևեռած: Բայց արջը ուշք չեր դարձնում: Անտանելի ցավից տանջվում, գալարվում եր ու մոռնում:

— Նահ տանջվում եր փորի ցավից, — ընդհատեց Բառնին Բիմը: — Արջն ինքն իրեն ճանաչում եր իր թաթերով ու ցատկոտում, շան ձագի պես կաղկանձում եր և գոռոռում: Ակներն եր, վոր այդ ցավը հանաք բան չեր արջի համար:



— Յերբեք կյանքումս յես չեմ տեսել մի այդպիսի տեսարան — շարունակեց խոսքը Բառնը: — Յեվ ինչ վիթխարի արջ եր այն...

— Կախարդություն ե ասածդ, — բացականչեց Ուգ-Գլուկը:

— Յես չգիտեմ, պատասխանեց նրան Բառնը, — յես ասում եմ ձեզ այն, ինչ տեսել եմ իմ աչքերը:

— Արջը շուտով ուժից ընկավ, շնչառությունը կտրվեց, վորովհետև նա շատ ծանր եր և վեր ու վայր եր թռչկոտել: Հանդարտ գնաց ծովի ափով, որորելով մեծ գլուխը: Մեկ նստում եր ու մեկ վոռնում, մեկ կաղկանձում ու մեկ տնջում: Կիշը գնաց արջի յետքից, մենք քայլ առ քայլ Կիշի յետքից՝ ամբողջ ուր և յերեք հաշորդ որերը:

Արջը գնալով թուլանում եր և անընդհատ ցավից վոռնում:

— Կախարդությունն ե բացարձակ, — բացականչեց Ուգ-Գլուկը, — դա հմայք ե, յես ասում եմ:

— Այո՛, կարող ե պատահել:

Բիմը Բառնին ընդհատեց ու սկսեց նրա տեղը պատմել:

— Արջը գնում եր որորվելով, մեկ շեղվում եր ու յետ դառնում, դեռ-դեռ ընկնում, ճանապարհից դուրս եր գալիս. վերջ ի վերջո, նա փուկեց գետնին: Արդեն այնքան թուլացած եր, վոր այլևս անվտանգ եր: Այդ ժամանակ Կիշը մոտեցավ արջին և նիզակը խրեց բուկը:

— Իսկ հետո, — հարցրեց Կլուշ-Կվանը:

— Հետո թողինք Կիշին, վոր կտրատում եր սպանված արջին, իսկ մենք շտապեցինք գալ այստեղ, պատմելու՝ ինչպես Կիշը սպանեց արջին:

Նույն ուրը, յերեկոյան, կանայք, ով վորքան կարող եր, արջի միսը տուն կրեցին, իսկ աղամարդիկ ել խորհրդի ժողովվեցին:

Յեվ յերբ Կիշը գյուղը մտավ, նրան կանչեցին խորհրդի: Բայց Կիշը նրանց պատասխանեց, վոր սոված ե և շատ հոգնած և բացի այդ, իր խրճիթը այնքան մեծ ե ու ընդարձակ, վոր կարող ե տեղավորել շատ ժողովուրդ՝ ամբողջ խորհուրդ:

Հետաքրքրությունը մեծ եր: Վորոշեցին ու նրա մոտ ժողովեցին վողջ խորհուրդը՝ Կլոշ-Կվանի առաջնորդությամբ:

Կիշն ընթրում եր այդ միջոցին, բայց ընդունեց մեծ հարգանքով նա բոլորին, և ամենին ել — համաձայն իրենց դիրքին ու կոչմանը — նստեցրեց պատշաճ տեղում: Իկեեզան շատ հուզված եր, իսկ Կիշը՝ հանգիստ:

Կլոշ-Կվանը հայտնեց Կիշին Բիմի և Բաունի պատմածը և նրան ասաց խստորեն.

— Հայտնիր մեզ քո գաղտնիքն, սվ Կիշ: Չար վոգիներն են արդյոք ոգնում քեզ վորսի ժամին, թե...

Կիշը նայեց նրան ու ժպտաց:

— Վո՛չ, սվ Կլոշ-Կվան, սւր մանուկ, սւր կախարդ վհուկ. յես ինչ գիտեմ նրանց մասին: Յես գտել եմ մի հեշտ միջոց՝ մեծ արջերին հաղթահարող: Դա յերբեք կախարդություն չե, այլ ուղղակի խելքի գործ ե:

— Յեվ ամեն մարդ կարող ե անել այն, ինչ դու յես անում:

— Այո, այո, ամեն մի մարդ:

Տիրեց յերկար խոր լուռություն: Վորսորդներն իրար նայեցին, Կիշն ընթրիքը շարունակեց:

— Յեվ... և... դու կպատմես մեզ այդ մասին, սվ Կիշ, — գողաց Կլոշ-Կվանը:

— Այո՛, յես կպատմեմ, — պատասխանեց համեստ Կիշը, — և ծծելով վերջին վոսկորը, վեր կացավ նա իր տեղից.

— Դա մի շատ պարզ, հասարակ բան ե, ապա նայեցե՛ք:

Նա վերցրեց կետ ձկան բեղի մի բարակ շերտ և դա ցույց տվեց բոլորին: Շերտի ծայրերը սուր եյին ասեղի պես: Յեվ խնամքով նա յոլորեց բարակ շերտը ողակաձև, այնպես, վոր իր մատների մեջ անհետացավ: Նա հանկարծ բաց թողեց ձեռքից — և շերտը



կրկին ուղղվեց: Յեւ հետո, կրկին վոլորեց այդ ու վերցրեց կետի ճարպի փոքրիկ կտոր:

— Ահա տեսե՛ք, — ասաց կիշը, — պետք է վերցնել մի կտոր ճարպ, փորել այդ և նրա մեջը դնել կետի բեղի շերտը այսպես կծկած, ողակած և վրայից ճարպով ծածկել այնպես, վոր չնկատվի, թե մեջը բան կա: Ճարպը ցրտում սառչելով, դառնում է մի փոքրիկ գնդիկ: Արջը գնդիկը կուլ է տալիս. ճարպը հալվեց թե չե, շերտը իսկույն ուղղվում է և իր յերկու սուր ծայրերով արջի ստամոքսն է խրվում: Արջը ուժասպառ է լինում սաստիկ ցավից, այդ ժամանակ դուք սպանում եք նրան նիզակով: Դա շատ հասարակ մի բան է:

— Ո՛ր, — բացականչեց Ուզ-Գլուկը:

— Ա՛ր, — բացականչեց կիշը-կվանը:

Այդպես ամեն մեկն իր հանդով բացականչեցին և բոլորը այդ հասկացան:

Ահա այն ավանդութունը կիշի մասին, վոր ապրում էր անհիշելի ժամանակներ, բևեռային ովկիանի մոտ:

Յեւ քանի վոր կիշը գործում էր իր խելքով, վոչ թե ինչ վոր կախարհությամբ, նա՛ ծնված մի աղքատ խրճիթում՝ առաջին մարդը դարձավ գյուղում: Նա իր կյանքը անց էր կացնում միշտ հաջող վորսերում. նրա տոհմը բարորության մեջ էր ապրում, և վոչ մի թույլ մարդ և վոչ էլ այլը—զիշեր ցերեկ չեյին տանջվում, մսի կարոտ չեյին քաշում:



ԽՍՅՄ ԺՈՂՈՎՈՒՐԴՆԵՐԻ ԿԵՆՏՐ. ՀՐԱՏԱՐԱԿԶՈՒԹՅՈՒՆ

Մ Ա Ն Կ Ա Կ Ա Ն Գ Ր Ք Ո Ւ Յ Կ Ն Ե Ր

Լույս եմ տեսիլ

ՅԵՐԿՐԻ ԽՈՐՔԵՐՈՒՄ	(մեծադիր, նկարագարդ)	15 Կ.
ՔԻՄԻԿՈՍ ԿՈՒՅԶԿԱՆ	»	28 Կ.
ՃԱՄԲՈՐԴՈՒԹՅՈՒՆ ԱՅԵՐՈՊԼԱՆՈՎ	»	28 Կ.
ՄՈԾԱԿԻ ՅԵՎ ԱՐՁԻ ՄԱՍԻՆ	»	15 Կ.
ԻՆՉՊԵՍ ԵՅԻՆ ԱՊՐՈՒՄ ՏԻԿՆԻԿՆԵՐԸ	»	16 Կ.
ՄԻՆԻՍՏՐ ՄԵԿ ԺԱՄՈՎ	»	18 Կ.
ՅԵՐԱԺԻՇՏ ԴԱՆԻԿԸ	»	20 Կ.
ԴՈՇԻԿԸ ՃԱՀՈՒՄ	»	20 Կ.
ՏԻՄԸ	»	20 Կ.
ՓՈՔՐԻԿ ԽՈՆ	»	18 Կ.
ՌԻԿԿԻ-ՏԻԿԿԻ-ՏԱՎԻ	»	25 Կ.
ՀՆԴԻԿՆԵՐԻ ԱՌԱՋՆՈՐԴԸ	»	18 Կ.
ՍԱՌՅԻ ՎՐԱ	»	25 Կ.
ԻՆՉՈՎ ԿՈՒՉԵՅԻՐ ՃԱՄԲՈՐԴԵՆ	»	25 Կ.
ԹԵ ԻՆՉՊԵՍ ՍԱՔՈՆ ԿԱՐՄԻՐ-ԲԱՆԱՅԱՅԻՆ ԴԱՐՉԱՎ	»	25 Կ.
ԱՆՁՆՎԵՐ ՏՂԱՆ	»	12 Կ.
ՓՈՔՐԻԿ ՀԵՐՈՍՈՒՀԻՆ	»	12 Կ.
ՊԱՄՎԱՅՔՆԵՐ ՓՈՔՐԵՐԻ ՀԱՄԱՐ	»	8 Կ.
ՌԱՋՄԻ ՈՐԵՐ	»	20 Կ.
ԹՌՉՈՒՆՆԵՐ (գունատիպ այլրոմ)	»	20 Կ.
ՄԻ ԳԻՇԵՐ ԱԾԽԱՀԱՆՔՈՒՄ (մեծադիր, նկարագարդ)	»	15 Կ.
ԿՈՒՏԻԿՆ ՈՒ ՔՈՒՉԻԿԸ	»	15 Կ.
ՄԵՐ ՎԱԳՐԻԿԸ	»	25 Կ.
ԿԻՇԸ	»	15 Կ.
ԽՈՒՅԱՆ	»	20 Կ.

№ 39954

ՊԱՀԱՆՋԵՑԵՔ
ՄԵՐ ԳՐԱՅՈՒՑԱԿԸ, ՎՈՐ
ՈՒՂԱՐԿՎՈՒՄ Ե ԶՐԻ.
ԳՐԴԵՆ՝ Մոսկվա, Никольская, 10.
ЦЕНТРИЗДАТ.



20352

15 400.

657

4-493 а



ДЖЕК ЛОНДОН
Повесть о Кише

На армянском языке

ЦЕНТРАЛЬНОЕ ИЗДАТЕЛЬСТВО НАРОДОВ С С С Р
Москва, центр, Никольская, 10.